



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIÁRIU

Sumáriu Kazu
Tribunál Distritál Baucau
Edisaun Outubru 2016

A. Sumáriu prosesu julgamentu kazu iha Tribunál Distritál Baucau

1. Totál kazu ne'ebé JSMP monitoriza: 20

Tipu Kazu	Númeru
Artigu 145 Kódigu Penál (KP) & artigu 35 letra (b) Lei Kontra Violénsia Doméstika (LKVD) - Ofensa bá integridade fízika simples ho natureza violénsia doméstika	7
Artigu 154 (KP) - Maus tratus bá kónjuje	3
Artigu 145 (KP) - Ofensa bá integridade fízika simples	2
Artigu 157 (KP) - Ameasa	2
Artigu 146 (KP) & artigu 35 LKVD - Ofensa bá integridade fízika grave ho natureza violénsia doméstika	1
Artigu 155 (KP) - Maus tratus bá menór	1
Artigu 177 (KP) - Abuzu seksuál bá menór	1
Artigu 259 (KP) - Danu agravadu	1
Artigu 145 no 157 (KP) & artigu 35 letra (b) LKVD - Ofensa bá integridade fízika simples ho natureza violénsia doméstika no ameasa	1
Artigu 148 (KP) - Ofensa ba integridade fízika negligente	1
Totál	20

2. Totál desizaun ne'ebé JSMP monitoriza : 15

Tipu desizaun	Númeru
Pena prizaun	1
Suspensaun bá pena prizaun nia ezekusaun artigu 68 Kódigu Penál	7
Suspensaun bá prizaun nia ezekusaun artigu 68 ho regra bá konduta artigu 70 letra (g) Kódigu Penál	1
Omologa dezistencia keixa	4
Pena multa tuir artigu 67 hosi Kódigu Penál	1
Absolve	1
Totál	15

3. Totál kazu sira ne'ebé sei kontinua prosesu tuir JSMP nia monitorizasaun : 5

B. Deskripsaun sumáriu bá desizaun kazu sira ne'ebé JSMP monitoriza:

1. Krime danu agravadu

Nú. Prosesu : 0101/14. MNLLB
Kompozisaun Tribunál : Kolektivu
Juis : Dr. Afonso Carmona,
Dr. Jose Goncalves
Dra. Ercilia de Jesus
Ministériu Públiku : Dra. Bemvinda do Rosario
Defeza : Dr. Antonio Fernandes (Defensória Pública)
Tipu desizaun : Pena prizaun fulan 3 suspende ba tinan 1

Iha 4 Outubru 2016, Tribunál Distritál Baucau prezide julgamentu leitura akordaun bá krime danu agravadu ne'ebé envolve arguidu LFG hasoru Eskola Ensino Sekundária Cristy Sword Gusmão, iha Distritu Manatuto.

Ministériu Públiku akuza katak iha 23 Maiu 2014, iha tuku 08.30 dader, arguidu lori fatuk toda bá eskola leten no toda mós tanki bee nian, estraga xave odamatan nian. Kazu ne'e akontese tanba profesora da turma suspende arguidu hosi aula.

Ministériu Públiku akuza arguidu kontra artigu 259 Kódigu Penál kona-ba krime danu agravadu ho moldura penál tinan 2 to'o tinan 8.

Iha julgamentu, arguidu konfesa faktus hotu iha akuzasaun, no deklarata katak arguidu hadia fali ona xave odamatan nia ho folin US\$15.00, arepende ona nia hahalok no foin primeira-vez komete krime. Aleinde ne'e, testemuña JTG nu'udar profesora da turma depoimenta katak arguidu hadia fali duni ona xave odamatan nian ho folin US\$ 15.00.

Iha alegasaun final, Ministériu Públiku haktuir katak arguidu konfesa faktus hotu iha akuzasaun no konfirma mós hosi testemuña. Tanba ne'e husu bá Tribunál aplika pena prizaun tinan 2 suspende bá tinan 2. Enkuantu Defeza haktuir katak arguidu konfesa faktus hotu iha akuzasaun, arepende ona nia hahalok no foin primeira-vez komete krime. Tanba ne'e husu bá Tribunál aplika pena ne'ebé adekua ba arguidu.

Depoizde avalia faktus provadu sira ne'ebé prodús durante julgamentu, Tribunál konklui prosesu ne'e no kondena arguidu ho pena prizaun fulan 3 suspende bá tinan 1.

2. Krime ofensa ba integridade fizika simples ho natureza violénsia doméstika

Nú. Prosesu	: 0539/13. PDBAU
Kompozisaun Tribunál	: Singulár
Juis	: Dra. Ercilia de Jesus
Ministériu Públiku	: Dr. Luis H. Rangel da Cruz
Defeza	: Dr. Jose M. Guterres (Defensória Pública)
Tipu desizaun	: Pena prizaun fulan 3 suspende ba tinan 1

Iha 5 Outubru 2016, Tribunál Distritál Baucau prezide julgamentu leitura sentensa bá krime ofensa bá integridade fizika simples ne'ebé envolve arguidu FG hasoru nia feen, iha Distritu Viqueque.

Ministériu Públiku akuza katak iha 29 Outubru 2013, iha tuku 16.00 loro-kraik, arguidu tuku dala 2 iha lezada nia reen-toos, tuku dala 2 iha lezada nia ulun no rasta lezada nia fuok to'o lezada monu bá rai. Aleinde ne'e arguidu mós lori katana taa didin uma nian.

Ministériu Públiku akuza arguidu kontra artigu 145 Kódigu Penál kona-ba krime ofensa bá integridade fizika simples ho nia moldura penál too tinan 3 ka multa no konjuga ho artigu 2,3, 35 no 36 LKVD.

Iha julgamentu, arguidu konfesa faktus hotu iha akuzasaun, arguidu mós deklarata katak di'ak malu ona ho lezada, arepende ona nia hahalok no foin primeira-vez komete krime.

Iha alegasaun final, Ministériu Públiku haktuir katak arguidu konfesa faktus hotu, foin primeira-vez komete krime. Tanba ne'e husu bá Tribunál aplika pena prizaun fulan 6 suspende ba tinan 1.

Enkuantu Defeza mós subliña tan katak arguidu konfesa faktus hotu iha akuzasaun, arepende ona nia hahalok no foin primeira-vez komete krime. Tanba ne'e husu bá Tribunál aplika pena ne'ebé adekua ba arguidu.

Depoisde avalia faktus provadu sira ne`ebé prodús durante julgamentu, Tribunál konklui prosesu ne`e no kondena arguidu ho pena prizaun fulan 3 suspende bá tinan 1.

3. Krime maus tratus ba kónjuje

Nú. Prosesu : 0259/13. PDBAU
Kompozisaun Tribunál : Kolektivu
Juis : Dr. Jose Goncalves
: Dr. Afonso Carmona
: Dra. Ercilia de Jesus
Ministériu Públiku : Dr. Luis H. Rangel da Cruz
Defeza : Dr. Jonas H.da Costa (Defensória Pública)
Tipu desizaun : Pena prizaun tinan 2 suspende ba tinan 3

Iha 6 Outubru 2016, Tribunál Distritál Baucau prezide julgamentu leitura akordaun bá krime maus tratus ba kónjuje ne`ebé envolve arguidu JdCN hasoru nia feen, iha Distritu Baucau.

Ministériu Públiku akuza katak iha 14 Juñu 2013, iha tuku 21.00 kalan, arguidu lori telefone tuda iha lezada nia reen-toos, kauza kanek no ran sai. Antes ida-ne`e iha 20 Maiu 2013, iha tuku 21.00, arguidu basa dala 3 iha lezada niaibun, kauza ran sai.

Ministériu Públiku akuza arguidu kontra artigu 154 Kódigu Penál kona-ba krime maus tratus bá kónjuje ho moldura penál tinan 2 to`o tinan 6 no konjuga ho artigu 35 letra (a) LKVD.

Iha julgamentu, arguidu konfesa faktus hotu iha akuzasaun, arguidu mós deklara katak di`ak malu ona ho lezada no arepende ona nia hahalok. Iha parte seluk, lezada kontinua konfirma faktu sira iha akuzasaun.

Iha alegasaun finál, Ministériu Públiku haktuir katak arguidu konfesa faktus hotu iha akuzasaun no konfirma mós hosi lezada. Tanba ne`e husu bá Tribunál aplika pena prizaun tinan 2 suspende ba tinan 3.

Enkuantu Defeza haktuir katak arguidu konfesa faktus hotu iha akuzasaun, di`ak malu ona ho lezada no arepende ona nia hahalok. Tanba ne`e husu bá Tribunál aplika pena ne`ebé kma`an bá arguidu.

Depoisde avalia faktus provadu sira ne`ebé prodús durante julgamentu, Tribunál konklui prosesu ne`e no kondena arguidu ho pena prizaun tinan 2 suspende ba tinan 3.

4. Krime ofensa ba integridade fizika simples ho natureza violensia domestika

Nú. Prosesu : 0592/13. PDBAU
Kompozisaun Tribunál : Singulár
Juis : Dr. Jose Goncalves

Ministériu Públiku : Dr. Luis H. Rangel da Cruz
Defeza : Dr. Jonas H.da Costa (Defensória Pública)
Tipu desizaun : Pena prizaun fulan 6 suspende ba tinan 1

Iha 6 Outubru 2016, Tribunál Distritál Baucau prezide julgamentu leitura sentensa bá krime ofensa bá integridade fizika simples ho natureza violénsia doméstika ne`ebé envolve arguidu MM hasoru nia feen, iha Distritu Viqueque.

Ministériu Públiku akuza katak iha 14 Jullu 2013, iha tuku 09.47 dadersan, arguidu tolok lezada no dada tun lezada hosi hadak leten hodi tebe dala 1 iha lezada nia kotuk laran, no sama lezada bá rai. Depoisde akontesemntu ne`e lezada bá hela iha uma mahon.

Ministériu Públiku mós akuaza katak arguidu sempre halo problema ho lezada. Maizumenus iha 2013 sein motivu ne`ebé klaru arguidu ameasa lezada. Aleinde ne`e, iha tinan 2012 lezada sae kareta atu bá óspital arguidu dada tun lezada hosi kareta no halo lezada tauk halai bá viziñu nia uma.

Ministériu Públiku akuza arguidu kontra artigu 154 Kódigu Penál kona-ba krime maus tratus bá kónjuje ho moldura penál tinan 2 to`o tinan 6 no konjuga ho artigu 35 letra (a) LKVD.

Iha julgamentu, arguidu deklara katak kona-ba faktus ne`ebé akontese iha 14 Jullu 2013 ne`e loos, maibé bá faktus seluk arguidu deklara katak laloos. Arguidu mós deklara katak di`ak malu ona ho lezada no arepende ona nia hahalok. Aleinde ne`e lezada mós deklara katak arguidu foin primeira-vez komete krime hasoru lezada.

Iha alegasaun finál, Ministériu Públiku haktuir katak arguidu konfesa de`it faktus ne`ebé nia komete no reforsa mós hosi lezada. Ho razaun hirak ne`e, husu bá Tribunál atu halo alterasaun bá kualifikasaun júridika hosi krime maus tratus bá kónjuje, bá fali krime ofensa bá integridade fizika simples ho natureza violénsia doméstika.

Enkuantu defeza mós haktuir katak arguidu konfesa de`it faktus ne`ebé nia komete krime ne`ebé akontese iha 14 fulan-Jullu 2013, no konfirma mos hosi lezada. Arguidu mós deklara katak nia di`ak malu ona ho lezada no arepende ona nia hahalok. Tanba ne`e husu bá Tribunál aplika pena ne`ebé kma`an ba arguidu.

Depoisde avalia faktus provadu sira ne`ebé prodús durante julgamentu no pedidu hosi Ministériu Públiku, Tribunál halo alterasaun juridika hosi krime maus tratus bá kónjuje bá krime ofensa bá integridade fizika simples ho natureza violénsia doméstika, no kondena arguidu ho pena prizaun fulan 6 suspende ba tinan 1.

5. Krime ofensa ba integridade fizika simples ho natureza violénsia doméstika no krime ameasa

Nú. Prosesu : 0298/12. PDBAU
Kompozisaun Tribunál : Singulár

Juis : Dr. Jose Goncalves
Ministériu Públiku : Dr. Luis H. Rangel da Cruz
Defeza : Dr. Antonio Fernandes (Defensória Pública)
Tipu desizaun : Pena prizaun fulan 3 suspende ba tinan 1

Iha 7 Outubru 2016, Tribunál Distritál Baucau prezide julgamentu leitura sentensa bá krime ofensa bá integridade física simples ho natureza violénsia doméstika no krime ameasa ne'ebé envolve arguidu MG hasoru nia feen, iha Distritu Viqueque.

Ministériu Públiku akuza katak iha 15 Jullu 2012, iha tuku 07.30 dadersan, arguidu tebe dala 1 iha lezada nia kotuk laran no lori katana ameasa lezada.

Ministériu Públiku akuza arguidu kontra artigu 145 Kódigu Penál kona-ba krime ofensa bá integridade física simples ho nia moldura penál too tinan 3 ka multa no konjuga ho artigu 2,3, 35 no 36 LKVD. Ministériu Públiku mós akuza arguidu kontra artigu 157 Kódigu Penál kona-ba krime ameasa ho nia moldura penál too tinan 2 ka multa

Iha julgamentu arguidu konfesa faktus hotu iha akuzasaun. Iha parte seluk Tribunál labele rona lezada nia depoimentu, tanba lezada mate tiha ona iha 21 Marsu 2013.

Iha alegasaun finál, Ministériu Públiku haktuir katak iha julgamentu arguidu konfesa faktus hotu iha akuzasaun. Tanba ne'e husu bá Tribunál aplika pena suspensaun bá arguidu.

Enkuantu Defeza haktuir katak arguidu konfesa faktus hotu iha akuzasaun. Tanba ne'e husu ba Tribunál aplika pena ne'ebé adekua ba arguidu.

Depoizde avalia faktus provadu sira ne'ebé prodús durante julgamentu, Tribunál konklui prosesu ne'e no kondena arguidu ho pena prizaun fulan 3 suspende ba tinan 1.

6. Krime ofensa ba integridade física simples ho natureza violénsia doméstika

Nú. Prosesu : 0159/15. PDBAU
Kompozisaun Tribunál : Singulár
Juis : Dr. Antonio Fonseca
Ministériu Públiku : Dr. Luis H. Rangel da Cruz
Defeza : Dr. Lino Lopes (Advogado Privadu)
Tipu desizaun : Pena prizaun loron 30 suspende ba tinan 1

Iha 13 Outubru 2016, Tribunál Distritál Baucau prezide julgamentu leitura sentensa bá krime ofensa bá integridade física simples ne'ebé envolve arguidu MAGF hasoru nia feen, iha Distritu Baucau.

Ministériu Públiku akuza katak iha 27 Janeiru 2014, iha tuku 17.00 loro-kraik, arguidu tuku dala 2 iha lezada nia hirus matan no lori nia liman sikun fai dala 1 iha lezada nia

kotuk laran. Depoisde akontesementu ne`e lezada bá hato`o kedas keixa iha Estasaun Polísia Vemasse.

Ministériu Públiku akuza arguidu kontra artigu 145 Kódigu Penál kona-ba krime ofensa bá integridade fizika simples ho nia moldura penál too tinan 3 ka multa no konjuga ho artigu 2, 3, 35 no 36 LKVD.

Durante julgamentu arguidu konfesa faktus hotu iha akuzasaun, arguidu mós deklara katak di`ak malu ona ho lezada, foin primeira-vez komete krime no arepende ona nia hahalok. Iha parte seluk lezada kontinua maintein faktus sira iha akuzasaun.

Iha alegasaun finál, Ministériu Públiku haktuir katak arguidu konfesa faktus hotu iha akuzasaun no konfirma mós hosi lezada. Tanba ne`e husu bá Tribunál aplika pena multa bá arguidu no inklui selu kustu judisiál bá Tribunál.

Enkuantu Defeza haktuir katak arguidu konfesa faktus hotu iha akuzasaun, di`ak malu ho lezada, arepende ona nia hahalok no foin primeira-vez komete krime. Tanba ne`e husu bá Tribunál aplika pena ne`ebé adekua bá arguidu.

Depoisde avalia faktus provadu sira ne`ebé prodús durante julgamentu, Tribunál konklui prosesu ne`e no kondena arguidu ho pena prizaun loron 30 suspende bá tinan 1 no selu mós kustu judisial US\$100.00. Tribunál mós orienta arguidu atu apresentaan periódikamente semana 1 dala 1 iha Tribunál durante fulan 1.

7. Krime ameasa

Nú. Prosesu	: 0021/16. PDBAU
Kompozisaun Tribunál	: Singulár
Juis	: Dr. Jose Goncalves
Ministériu Públiku	: Dr. Luis H Rangel da Cruz
Defeza	: Dr. Lino Lopes (Advogadu Privadu)
Tipu desizaun	: Omologa pedidu dezistensia keixa

Iha 13 Outubru 2016, Tribunál Distritál Baucau prezide julgamentu tentativa konsiliausaun bá krime ameasa ne`ebé envolve arguidu JSA hasoru nia feen, iha Distritu Baucau.

Ministériu Públiku akuza arguidu kontra artigu 157 KP kona-ba krime ameasa ho moldura penál too tinan 2 ka multa.

Iha prosesu tentativa konsiliausaun ne`e, arguidu husu diskulpa bá lezada mezmú sira nain rua agora la moris hamutuk ona. Tanba ne`e lezada husu bá Tribunál atu deziste nia-keixa hasoru arguidu.

Relasiona ho pedidu ne`e, Ministériu Públiku no Defeza aprésia no konkorda ho akordu ne`ebé parte rua deside ona no husu bá Tribunál atu omologa akordu ne`e.

Bazeia ba akordu hosi parte rua no pedidu dezisténsia keixa hosi lezada, Tribunál konsidera no omologa akordu no pedidu dezisténsia keixa ne`e.

8. Krime ofensa bá integridade fizíka grave ho natureza violénsia doméstika

Nú. Prosesu : 0309/12. PDBAU
Kompozisaun Tribunál : Singular
Juis : Dr. Jose Goncalves
Dra. Ercilia de Jesus
Dr. Jose Escurial
Ministériu Públiku : Dr. Domingos G. Barreto
Defeza : Dr. Anotonio Fernandes (Defensória Pública)
Tipu desizaun : Pena prizaun tinan 2 suspende ba tinan 3

Iha 6 Outubru 2016, Tribunál Distritál Baucau prezide julgamentu leitura akordaun bá krime ofensa ba integridade fizika grave ne`ebé envolve arguidu AdJBS hasoru nia subriñu CSV, iha Distritu Viqueque.

Ministériu Públiku akuza katak iha 18 Juñu 2012, iha tuku 23.00 (kalan), arguidu tuku dala 1 iha lezadu nia hasan sorin loos, tebe dala 1 iha lezadu nia kabas sorin karuk to`o lezadu monu bá rai. Arguidu tenta atu tebe tan lezadu maibé la kona, tanba lezadu tebe hasoru arguidu. Arguidu halai sai bá liur foti katana taa dala 2 iha lezadu nia kakorok no tilun hun, maibé tanba lezadu satan netik ho liman karuk nune`e kona fali iha lezadu nia liman kabun no liman sikun parte karuk. Aktu ne`e kauza lezadu tenke bá halo tratamentu iha Óspital Referral Baucau. Kazu ne`e akontese tanba lezadu nia alin uza arguidu nia motor la fó hantene bá arguidu.

Ministériu Públiku akuza arguidu kontra artigu 146 letra (b) Kódigu Penál kona-ba krime ofensa bá integridade fizika grave ho nia moldura penál tinan 2 to`o tinan 8 konjuga ho artigu 35 LKVD.

Iha julgamentu, arguidu deklara katak arguidu la tebe no la tuku lezadu, maibé lezadu mak tebe arguidu nia kabun to`o arguidu monu bá rai. Arguidu kontinua deklara katak depoisde arguidu monu tiha lezadu silu tohar ai-rin muskateru nian atu sona arguidu, tanba ne`e mak arguidu kaer kona katana iha rai hodi defende-an no taa hasoru lezadu. Arguidu mós deklara katak sira rezolve ona kazu ne`e liu hosi tradisaun Timor nian. Arguidu fó ona osan US\$500.00 bá lezadu hodi sosa ai-moruk hodi kura fali lezadu nia kanek, fó tais feto 1 no tais mane 1 ba lezadu no oho mós karau ida hodi han hamutuk bá dame malu. Iha parte seluk, lezadu kontinua mantein faktus sira iha akuzasaun no konfirma mós kona-ba prosesu dame malu ne`ebé arguidu deklara bá Tribunál.

Iha alegasaun finál, Ministériu Públiku haktuir katak arguidu konfesa faktus hotu, arepende ona nia hahalok no foin primeira-vez komete krime. Tanba ne`e husu bá Tribunál aplika pena prizaun tinan 3 suspende ba tinan 3.

Enkuantu Defeza haktuir katak arguidu komete aktus ne`e hasoru lezadu atu defende-an. Arguidu rasik arepende ona nia hahalok no foin primeira-vez komete krime, tanba ne`e husu bá Tribunál absolve arguidu.

Depoisde avalia faktus provadu sira ne`ebé prodús durante julgamentu, Tribunál konklui prosesu ne`e no kondena arguidu ho pena prizaun tinan 2 suspende bá tinan 3 no selu mós kustu judisiál US\$50.00.

9. Krime maus tratus ba menór ho natureza violénsia doméstika

Nú. Prosesu	: 0035/15. BCBCV
Kompozisaun Tribunál	: Singular
Juis	: Dr. Hugo da Cruz Pui Dr. Antonio Fonseca Dr. Jose Quintao
Ministériu Públiku	: Dra. Bemvinda do Rosario
Defeza	: Dr. Cancio A. Freitas (Defensória Pública)
Tipu desizaun	: Pena prizaun tinan 4

Iha 14 Outubru 2016, Tribunál Distritál Baucau prezide julgamentu leitura akordaun bá krime maus tratus bá menór ne`ebé envolve arguidu CTdS hasoru nia oan mane ho idade tinan 13, iha Distritu Baucau.

Ministériu Públiku akuza katak iha 24 Maiu 2015, iha tuku 7.00 dadersan, arguidu tuda lezadu dala 2 no kona iha lezadu nia ain loos. Lezadu konsege halai maibé arguidu duni tuir lezadu no tuur iha lezadu nia leten no kontinua tuku iha lezadu nia reen-toos no baku iha lezadu nia kanuruk. Depoisde akontesementu ne`e lezadu bá hato`o kedas keixa iha polísia no depois kontinua bá halo tramentu iha óspital.

Tuir mai iha data no fulan ne`ebé lezadu lakonsege hanoin hetan, maibé maisumenus nafatin iha tinan 2015 nia laran, arguidu ho hirus foti ai-sanak baku dala 1 iha lezadu nia kabas karuk.

Ministériu Públiku akuza arguidu kontra artigu 155 Kódigu Penál kona-ba krime maus tratus bá menór¹ ho nia moldura penál tinan 2 too tinan 6 no konjuga ho artigu 35 LKVD.

Iha julgamentu arguidu konfesa faktus hotu ne`ebé deskreve iha akuzasaun Ministériu Públiku no reforsa liutan hosi lezadu.

Testemuña AdS (Xefe Aldeia Makadai) deklara katak la hatene kona-ba akontesementu ne`e, testemuña foin hatene wainhira polisia komunitáriu lori arguidu ho lezadu bá iha testemuña nia uma.

Iha alegasaun finál, Ministériu Públiku haktuir katak arguidu konfesa faktus hotu no konfirma mós hosi lezadu. Bazeia bá konsiderasaun hirak ne`e, husu bá Tribunál atu halo

¹ Antes ida-ne`e arguidu mós simu no halao ona pena prizaun tinan 7 ba kazu krime tentativa omisídiu tanba involve iha krime soe bomba hasoru grupu organizasaun Conselho Popular Democrático da República Democrática de Timor-Leste (CPD-RDTL),

kualifikasaun juridika hosi krime maus tratus bá menór ba krime ofensa bá integridade fizika simples no husu bá Tribunál aplika pena prizaun tinan 2 suspende bá tinan 2.

Enkuantu Defeza haktuir katak arguidu konfesa faktus hotu iha akuzasaun, di'ak malu ona ho lezadu, arepende ona nia hahalok. Tanba ne'e husu bá Tribunál aplika pena ne'ebé adekua ba arguidu.

Depoisde avalia faktus provadu sira ne'ebé prodús durante julgamentu, Tribunál konklui prosesu ne'e no kondena arguidu ho pena prizaun tinan 4 prizaun².

10. Krime ofensa ba integridade fizika simples

Nú. Prosesu : 0023/16. BCBCV
Kompozisaun Tribunál : Singular
Juis : Dr. Hugo da Cruz Pui
Ministériu Públiku : Dr. Bemvinda do Rosario
Defeza : Dr. Lino Lopes (Advogado Privadu)
Tipu desizaun : Absolve

Iha 18 Outubru 2016, Tribunál Distritál Baucau prezide julgamentu leitura sentensa bá krime ofensa bá integridade fizika simples ne'ebé envolve arguida DF hasoru lezada CF, iha Distritu Baucau.

Ministériu Públiku akuza katak iha 24 Abril 2016, iha tuku 10.00 dadersan, arguida tuku lezada, maibé lezada satan netik ho liman nune'e kona iha lezada nia liman fuan. Arguida mós tebe lezada nia jerigen no ameasa atu oho lezada.

Kazu ne'e akontese tanba sira hakseksuk malu kona-ba bee. Iha momentu ne'eba arguida fase hela roupa no lezada lori nia masa jerigen 40 atu kuru bee. Arguida dehan bá lezada katak kuru de'it hosi tornera ida-sorin, nune'e sira haksesuk malu no arguida halo agresaun bá lezada no ameasa lezada.

Ministériu Públiku akuza arguida kontra artigu 145 Kódigu Penál kona-ba krime ofensa bá integridade fizika simples ho nia moldura penál too tinan 3 ka multa konjuga ho artigu 157 Kódigu Penál kona-ba krime ameasa ho moldura penál too tinan 2 ka multa.

Iha julgamentu, arguida deklara katak arguida mak bá uluk be matan no kuru uluk be antes lezada to'o. Arguida dehan bá lezada atu kuru iha torneira sorin maibé lezada hakarak kuru bee iha torneira ne'ebé arguida uza hela. Tanba ne'e arguida ho lezada diskute malu, lezada hodi liman fuan hatudu bá arguida nia mata laran, nune'e arguida baku ses lezada nia liman. Arguida deklara katak nia la ameasa lezada. Iha parte seluk, lezada kontinua mantein faktus sira iha akuzasaun.

² Arguidu atraves hosi nia advogadu sei halo rekursu hasoru desizaun ne'e tanba arguidu la-satisfas ho desizaun ne'e.

Iha alegasaun finál, Ministériu Públiku haktuir katak bazeia bá produsaun provas iha julgamentu husu bá Tribunál absolve arguida hosi prosesu. Aleinde ne`e Defeza konkorda ho alegasaun hosi Ministériu Públiku.

Depoizde avalia faktus provadu sira ne`ebé prodús durante julgamentu, Tribunál konklui prosesu ne`e no absolve arguida.

11. Krime ameasa

Nú. Prosesu : 0021/16. PDBAU
Kompozisaun Tribunál : Singulár
Juis : Dr. Antonio Fonseca
Ministériu Públiku : Dra. Bemvinda do Rosario
Defeza : Dr. Antonio Fernandes (Defensória Pública)
Tipu desizaun : Omologa pedidu dezistencia keixa

Iha 21 Outubru 2016, Tribunál Distritál Baucau prezide julgamentu tentativa konsiliaun bá krime ameasa ne`ebé envolve arguidu FSF hasoru CGB no AMF, iha Distritu Baucau.

Ministériu Públiku akuza arguidu kontra artigu 157 Kódigu Penál kona-ba krime ameasa ho moldura penál too tinan 2 ka multa.

Iha prosesu tentativa konsiliaun ne`e, arguidu husu diskulpa bá lezadu sira no promete sei la komete tan krime hanesan hasoru lezadu sira iha futuro. Tanba ne`e lezadu sira husu bá Tribunál atu deziste sira nia-keixa hasoru arguidu.

Ministériu Públiku no Defeza aprésia no konkorda ho akordu ne`ebé parte rua decide ona no husu bá Tribunál atu omologa akordu ne`e.

Bazeia bá akordu hosi parte rua no pedidu dezisténsia keixa hosi lezadu, Tribunál konsidera no omologa akordu hosi pedidu dezisténsia keixa ne`e.

12. Krime ofensa ba integridade fizika simples ho natureza violénsia doméstika

Nú. Prosesu : 0042/15.MNMNT
Kompozisaun Tribunál : Singular
Juis : Dr. Jose Quintao
Ministériu Públiku : Dr. Domingos Goveia Barreto
Defeza : Dr. Jonas Henrique da Costa (Defensória Pública)
Tipu desizaun : Pena multa US\$15.00

Iha 24 Outubru 2016, Tribunál Distritál Baucau liu hosi Tribunal movél iha Distritu Manatuto prezide leitura sentensa bá krime ofensa bá integridade fizika simples ho natureza violénsia doméstika ne`ebé envolve arguidu ASL hasoru nia oan (MdC), iha Distritu Manatuto.

Ministériu Públiku akuza katak iha 27 Jullu 2015, iha tuku 07.00 dadersan, arguidu foti ai-bebak baku dala 1 iha lezadu nia ain tuur. Kazu ne`e akontese tanba lezadu ezije arguidu bá bolu fali lezadu nia feen iha lezadu nia banin nia uma, tanba (lezadu nia feen) fila bá hela ona iha nia inan aman sira nia uma.

Ministériu Públiku akuza arguidu kontra artigu 145 Kódigu Penál kona-ba ofensa bá integridade fizika simples ho moldura penál too tinan 3 ka multa no konjuga ho artigu 35 letra (b) LKVD.

Iha julgamentu, arguidu hili direitu nonok, wainhira Tribunál konfirma ho lezadu relasiona ho faktu hirak ne`e, lezadu kontinua mantein faktu sira iha akuzasaun.

Iha alegasaun finál, Ministériu Públiku haktuir katak mezmú arguidu hili direitu nonok, maibé lezadu kontinua konfirma ho akuzasaun. Tanba ne`e husu bá Tribunál aplika pena prizaun fulan 6 suspende ba tinan 1. Enkuantu Defeza husu bá Tribunál absolve arguidu.

Depoide avalia faktus provadu sira ne`ebé prodús durante julgamentu, Tribunál konkluí prosesu ne`e no kondena arguidu ho pena multa US\$15.00 no sei selu 0.50 sentavus kada lora durante lora 30. Tribunál mós fiksa pena alternativa durante lora 20 prizaun, wainhira arguidu la kumpri pena multa ne`e.

13. Krime ofensa ba integridade fizika simples

Nú. Prosesu	: 0069/16. MNMNT
Kompozisaun Tribunál	: Singulár
Juis	: Dr. Antonio Fonseca
Ministériu Públiku	: Dr. Domingos Goveia Barreto
Defeza	: Dr. Jonas Henrique da Costa
Tipu desizaun	: Omologa pedidu dezisténsia keixa

Iha 25 Outubru 2016, Tribunál Distritál Baucau liu hosi Tribunal movel iha Distritu Manatuto prezide julgamentu tentativa konsiliaun bá krime ofensa bá integridade fizika simples ne`ebé envolve arguidu NSP, FdSdC, TdC, JS, AdC hasoru lezadu MS, iha Distritu Manatuto.

Ministériu Públiku akuza arguidu kontra artigu 145 Kódigu Penál kona-ba ofensa bá integridade fizika simples ho moldura penál too tinan 3 ka multa.

Iha prosesu tentativa konsiliaun ne`e, arguidu sira husu diskulpa ba lezadu no promete sei la komete tan krime hanesan hasoru lezadu iha futuru. Tanba ne`e lezadu husu ba Tribunál atu deziste nia-keixa hasoru arguidu sira.

Ministériu Públiku no Defeza aprésia no konkorda ho akordu ne`ebé parte rua decide ona no husu ba Tribunál atu omologa akordu ne`e.

Bazeia bá akordu hosi parte rua no pedidu dezisténsia keixa hosi lezadu, Tribunál konsidera no omologa akordu hosi pedidu dezisténsia keixa ne`e.

14. Krime ofensa ba integridade fizika simples

Nú. Prosesu : 0011/14. MNSBD
Kompozisaun Tribunál : Singulár
Juis : Dr. Hugo da Cruz Pui
Ministériu Públiku : Dr. Domingos Goveia Barreto
Defeza : Dr. Jonas Henrique da Costa
Tipu desizaun : Omologa pedidu dezisténsia keixa

Iha 25 Outubru 2016, Tribunál Distritál Baucau liu hosi Tribunál movél iha Distritu Manatuto prezide julgamentu tentativa konsiliaisaun ba krime ofensa ba integridade fizika simples ne'ebé envolve arguidu JFS, LdS no AdS hasoru JEV, iha Distritu Manatuto.

Ministériu Públiku akuza arguidu sira kontra artigu 145 Kódigu Penál kona-ba ofensa bá integridade fizika simples ho moldura penál too tinan 3 ka multa.

Iha prosesu tentativa konsiliaisaun ne'e, arguidu sira husu diskulpa bá lezadu no promete katak sei la komete tan krime hanesan hasoru lezadu iha futuro. Tanba ne'e lezadu husu bá Tribunál atu deziste nia-keixa hasoru arguidu sira.

Ministériu Públiku no Defeza aprésia no konkorda ho akordu ne'ebé parte rua decide ona no husu ba Tribunál atu omologa akordu ne'e.

Bazeia bá akordu hosi parte rua no pedidu dezisténsia keixa hosi lezadu, Tribunál konsidera no omologa akordu hosi pedidu dezisténsia keixa ne'e.

15. Krime ofensa ba integridade fizika simples ho natureza violénsia doméstika

Nú. Prosesu : 0019/16. MNMNT
Kompozisaun Tribunál : Singulár
Juis : Dr. Hugo da Cruz Pui
Ministériu Públiku : Dr. Domingos Goveia Barreto
Defeza : Dr. Jonas Henrique da Costa (Defensória Públiku)
Tipu desizaun : Pena prizaun fulan 3 suspende ba tinan 1

Iha 28 Outubru 2016, Tribunál Distritál Baucau liu hosi Tribunál movél iha Distritu Manatuto prezide leitura sentensa bá krime ofensa bá integridade fizika simples ho natureza violénsia doméstika ne'ebé envolve arguidu FdCL hasoru nia feen, iha Distritu Manatuto.

Ministériu Públiku akuza katak iha 24 Abril 2016, iha tuku 12.00, arguidu tuku dala 1 iha lezada nia matan sorin loos no tuku dala 2 iha lezada nia hasan sorin loos. Aktu ne'e kauza lezada bá halo tratamentu iha Centru Saúde Manatuto.

Ministériu Públiku akuza arguidu kontra artigu 145 Kódigu Penál kona-ba krime ofensa bá integridade fizika simples ho moldura penál too tinan 3 ka multa no konjuga ho artigu 35 letra (b) LKVD.

Iha julgamentu arguidu konfesa faktus hotu iha akuzasaun, arguidu mós deklarata katak arepende ona nia hahalok no foin primeira-vez komete krime. Aleinde ne'e lezada kontinua konfirma faktu sira iha akuzasaun.

Iha alegasaun final, Ministériu Públiku haktuir katak bazeia bá produsaun provas iha audénsia julgamentu husu bá Tribunal aplika pena prizaun fulan 3 suspende bá tinan 1. Enkuantu Defeza haktuir katak arguidu konfesa hotu faktus sira iha akuzasaun, no di'ak malu ona ho lezada no arepende ona nia hahalok. Tanba ne'e husu bá Tribunál aplika pena multa ba arguidu.

Depoide avalia faktus provadu sira ne'ebé prodús durante julgamentu, Tribunál konklui prosesu ne'e no kondena arguidu ho pena prizaun fulan 3 suspende ba tinan 1 no selu mós kustu judisial US\$30.00.

Atu hetan informasaun kompleitu, favor kontaktu:

Luis de Oliveira Sampaio

Executive Director of JSMP

Telefone: 3323883 | 77295795

E-mail : luis@jsmp.minihub.org

www.jsmp.tl

info@jsmp.minihub.org

Facebook: www.facebook.com/timorleste.jsmp

Twitter: @JSMPtl